





古今詞選卷十一目

沁園春 四十九首

吳江沈時棟焦音  
賀新郎 三十一首





古今詞選卷十一

吳江沈時棟焦音選

沁園春

山東劉孔集招飲廣陵酒家係郭石公故宅

陳維崧

魯國劉生笑賣寶鞭攜上糟丘。夏一時意氣徐陵表。紹六朝才調，綠幘紅鞵，如此人生，奈何不樂。况值離鴻叫暮秋。憑闌望見風廊水榭，丹漆雕鏤。當年此地風流。記畫戟門開溝水頭。羨羊侃侍兒，彎弓貼地。李波小妹，走馬當樓。蔓草斜陽，空園絲雨，爭說汾陽郭細侯。還長嘯，只眼中花月，誰似揚州。



又 冒天季五  
十書贈

慷慨悲歌。倘若無人。進君一觴。更四絃入破。聲哀以  
思。三更被酒。臣醒而狂。末路崎嶇。舊游零落。哀樂縱  
橫。不可當。生平事。記短衣匹馬。錦瑟紅墻。歲華一  
去堂堂。又半百蹉跎。暗自傷。歎醉必沾襟。是兒可念。  
飛而食肉。此志難忘。人道買臣。今年富貴。路鬼揶揄。  
笑一場。重起舞。儘玉山筵上。徹夜頽唐。

又 泊舟惠山看六  
朝松并良嶽石

昔歲我來。乘白羊車。著紫鼠裘。愛支離者叟。霜皮黛

甲。玲瓏者文。鴈蕩龍湫。王謝家兒。宣和遺老。爾正愁  
時。我亦愁。曾經過。看累朝興廢。百代王侯。別來歲  
月如流。歎赴壑脩蛇。掣不休。又風吹雨溜。幾場兒戲。  
藤纏蘚蝕。一樣蟬蛸。石豈能言。樹猶如此。何怪書生  
竟白頭。重來到。吹一聲鐵笛。叫破孤秋。

又 題徐惠文鍾山梅花  
圖同雲臣京少賦

十萬瓊枝。矯若銀虬。翩如玉鯨。正困不勝煙。香浮南  
內。嬌偏怯雨。影落西清。夾岸亭臺。接天歌板。十四樓  
中。樂太平。誰爭賞。有珠璫貴戚。玉佩公卿。如今潮



打孤城。只商女船頭月自明。歎一夜啼鳥。落花有恨。五陵石馬。流水無聲。尋去疑無。看來似夢。一幅生綃。淚寫成。攜此卷。伴水天閒話。江海餘生。

又

贈別芝麓先生即用其題  
烏絲詞韻 其二 其三

雖則母歸對酒當歌。終難激揚。似孔家文舉。幼原了。了。衛郎叔寶。晚更茫茫。五劇金鞭。六街寶馬。誰數吾家老子昂。公真誤。歎臣今已老。髮短心長。御溝偶過球場。笑塗轍。都爲若輩妨。更內家髻樣。巧如馬墜。小侯舞勢。快作鸞翔。酒則數行。食而三歎。斷盡西風。

烈士腸。登城望。有千羣。筆策萬點牛羊。

歸去來兮。竟別公歸。輕帆早張。看秋方欲雨。詩爭人瘦。天其未老。身與名藏。禪榻吹簫。妓堂說劍。也算男兒意氣揚。真愁絕。却心憂似月。鬢禿成霜。新詞填罷。蒼涼。更暫緩臨歧。入醉鄉。况僕本恨人。能無刺骨。公真長者。未免霑裳。此去荆溪。舊名罨畫。擬繞蕭齋。種白楊。從今後。莫逢人許我。宋艷班香。

又

大梁署寓  
對雪有感

凍角無聲。大旗自翻。長河怒號。正雪作花時。玉鱗狼



籍茶當乳處。珠眼蕭騷。烏鵲枝寒。羝羊窖冷。一片愁  
成。八月濤。當年事。記昆陽城下。羣盜如毛。中原百  
戰人豪。經幾度風吹并浪淘。歎河名官渡。袁曹安在  
地。連南頓。馮鄧徒勞。四節飄零。兩河蕭瑟。且將黃鬚  
命濁醪。吾已醉。尋市中朱亥。共鼓屠刀。

又

三月三日尉  
氏道中作

登尉繚臺。上三垂岡。傷如之何。憶談兵說劍。才情磊  
落。投秦去魏。意氣嵯峨。我到中原。重尋舊跡。牧笛吹  
風起。夜波誰相問。縱殘碑尚在。一半銷磨。短衣此

日經過。歎禕日難逢。晉永和。正水邊柳眼。斜窺芳岸。  
風前燕尾。亂剪晴莎。異國韶光。中年意味。寫上烏絲  
感慨多。休憑弔。喜前裙挑菜。士女婆娑。

又

詠硯為李若士賦  
若士時將入楚

誰向螭潭。剗紫雲肝。鑄白玉脂。便曹王臺上。唾他銅  
雀。徐陵序裏。輸却琉璃。瘦比龍精。嬌踰鵲眼。蒸出韓  
文與杜詩。窪而黑。是媧皇煉賸。嬴政鞭遺。醉磨盾  
鼻。能為還笑倩。防身鳳咮隨。但每看劒動。神先跳盪。  
時聞笛起。興更淋漓。此去衡陽。祝融峰上。要寫懸崖



百丈碑。顛狂甚。叱青猿代捧。蘸墨親題。

又 懷程崑崙

疇昔從公。上松寥山。觀北府兵。正魚龍蒸黑。魂魂海  
氣。水雲淅白。滾滾江聲。采石乘潮。皖桐移鎮。異代龔  
黃比大名。蘆溝驛。恰飛書寄我。感念平生。一麾出  
守孤城。又重向咸陽道上行。歎地名役。朔黃沙颯杏。  
天空盞屋。紅樹縱橫。落照窮邊。壯年薄宦。手板將迎。  
歲月更。驪山頂。望并汾秋色。一片鄉情。庚戌夏漳河署中接  
崑崙都門札 耀州

漢役  
朔地

又

梁谿西郭外有芹野草堂吾宗沂州公別業也公子某豪情斯在治  
習未忘乃以李氏之平泉用作井公之博進千金一擲園屬他人迄  
今已三易主矣公四世孫集生暇日扁舟經過此地臨風  
感舊惆悵絕多作詩紀事同人俱有和章余亦填詞一首

過西定橋。有芹野園。崢泓坦迤。記花闌藥嶼。島何澹  
澹。煙汀雨瀨。水太羅羅。樂去爽鳩。愴深銅狄。牧笛吹  
風。夜起波。憑高望。悵舊家光景。邈若山河。小樓一  
棹經過。奈三度亭臺易主。何縱王孫無恙。東風認否。  
主人重到。燕子知麼。笑說當年。樗蒲一擲。絕似名姬  
換馬馱。君休恨。較臨春結綺。博進誰多。

又 酬贈黃交三即次原韻并  
呈尊公仙裳賢昆月舫



三四年來老惰無聊。惟耽小詞。任世皆嗤僕。爲無益事。人方目我。是有情癡。花月前生。水天別館。似夢年光。暗裏飛。菖蒲紙。把心情淡寫。偷寄崔徽。君才十倍陳思。怨愁病羈窮屬和遲。况豪吟老叟。聲情磊落。狂歌法護。才調詼奇。我渡京江。重游隋苑。惆悵閒行。杜牧之。當年事。記萬家水榭。紅袖齊垂。

又

留別吳伯成先生和澹心韻

憶數年間。爲汗漫遊。輕去其鄉。正城樓入夜。無邊草白。關河放溜。極目沙黃。廣武山雄。礪礪路隘。何必愁

人始斷腸。風吹盡。是三河俠少。六郡名王。牛衣仍臥。王章笑。病馬依然。戀戰場。恰何來同調。金荃一卷。重逢高會。紅燭千行。風刮琵琶。霜枯筆策。又惹歸帆。帶雨張。頻回首。是難忘官閣。酒綠茶香。

又

余臥病澄江不能應試主者頗難之竹逸爲經營良苦乃始得請歸而作此自嘲并以伸謝

羅隱江東老署秀才。不幸似之。怪自負上流。偏搜兔冊。曾稱男子。却溷牛醫。壯不如人。老之將至。那更空墻。病馬嘶歸去耳。儘嚇人腐鼠。笑我醯雞。紛紛路鬼相疑。疑小敵當場。口怯爲謝。主臣不敏。怯誠有是。



明公垂諒。病亦非欺。顏子屢空。伯牛有疾。合受先生  
譴責詞。真窮矣。幸江城恰遇鮑叔於斯。

又

呈伯成先生  
和仲震原韻

耕二頃田。栽八百桑。何時始諧。只強弓硬弩。消磨歲  
月。素箏濁酒。開拓胸懷。白晝棲棲。青袍鬱鬱。世上何  
人管樂才。狂歌發。正半天松響。大海瀾迴。多公酷  
愛輿臺。笑昨日于思。今復來。且東籬載酒。看殘黃菊。  
西園把袂。蹋破蒼苔。萬事紛紜。一身偏側。舍此吾將  
安適哉。吾休矣。任齒同馬長耳。似龍垂。

又

經邯鄲  
縣叢臺

匹馬短衣。竟上叢臺。慨當以慷。是誰家戰壘。寒沙落  
照。何年古戍。亂草平岡。十月疎砧。一城冷鴈。不許愁  
人不望鄉。徘徊久。只登高弔古。無限蒼茫。當年趙  
武靈王。對樹裏河流。挂濁漳。有佳人跼屣。妝臺對起。  
王孫絃服。舞袖相當。而我來游。幾番歷徧。不見邯鄲  
挾瑟倡。何須問。便才人廝養。總付斜陽。

又

同遠公和雲臣  
越生贈答之作

五十之年。細數生平。人間可哀。看白首相知。晨星寥



落朱門先達。覆雨喧塵。只此貧交陶然永夕。蹴鞠彈  
棋。更舉杯。交驩甚。記看花並出。蹋月偕回。千金散  
盡還來。算細故。寧容芥蒂哉。况白雪連箱。讀之氣盡。  
紅牙一曲。聞者心灰。亟續曩游。競投新闕。從此蕭朱  
忍見猜。真佳話。使詞場數子。笑口齊開。

又

壽沈一  
指表叔

葉舒穎

江左文章。吳興人物。郊居隱侯。記花時竹馬。童迎上  
洛。桑陰雛雉。椽說中年。兩袖風輕。五湖春暖。鄉夢先  
牽一葉舟。歸來好。等身書卷。如意歌喉。須知天與

風流。向藝圃歡場。恣冥搜。看徐卿作畫。半多沒骨。周  
郎顧曲。頻自回頭。酒可三杯。棋還幾局。許我追隨百  
尺樓。聽此會。新聲雙奏。畫錦千秋。

又

壽吳慊  
菴先生

錦里先生。弱冠才華。鴈塔高題。記含香粉署。閒稱吏  
隱。飲冰水部。清畏人知。拄頰山青。科頭眼白。金馬浮  
沉。此一時。風流甚。看從容退食。伸紙臨池。鳧舟翠  
蓋。齊飛。是憲節乘春天。上移。恰論兵江漢。輕揮白羽。  
舉帷荆楚。偶挾朱絲。世路羊腸。宦情雞肋。萬事無過



便拂衣歸來好。且學參柏子。休遣楊枝。

又額

朱彝尊

鏡檻初開。宜對粉題。休籠紫綸。音關記折花共劇。蘭雲

纔覆塗妝伊始。翠鈿曾安。慣疊織羅。微嫌短髮。手裏

紅絲著意刪。犀梳歛護。貂茸一剪。閣住輕寒。日斜

倚小門闌。但端正窺人。莫便還。見障羞月扇。低時半

露。吹愁梅瓣。點處成斑。素柰看勻。小蟬比竝。料是詩

人想像間。蜂黃淺愛。夕陽無限。映取遙山。李白詩妾髮初覆額折花門前

劇王建詩素柰花開西子面孔氏疏云小蟬也温庭筠詩額黃無限夕陽山

又耳

玉琢芳根。麝月初弦。螺峰遠侵。勝吳綃畫了。微添朱

暈。秦璫繫却。密釘神針。粉拂頻沾。香雲帶掠。釵鳳珠

垂冷不禁。盤龍鏡映。玉臺素手。影後斜臨。小堂誰

弄清琴。通一線靈犀。直到心。慣春閒易倦。偷粘角枕。

夢輕難續。翻恨鶯吟。細馬馱來。埃風生處。掩就綸巾。

未易尋。羅幃底。把無聲私語。遞向更深。張萱畫婦人以朱暈耳根

又臂

勝曼陀羅。八萬四千。非耶是耶。效蹋搖孃曲。聯時宛



轉。口騰兒舞。旋了交加。拍按霓裳。張同鳳翅。攘處拖  
環。急鼓。搗呼同坐。把香肩微竦。側倚琵琶。曲闌憑  
晚涼些。添羅袖纔令一半遮。更泥他沽酒。卸金跳脫。  
教伊展畫。替玉鴉叉。待枕先舒。將盟暗齧。宜印綢繆  
小字斜。臨當別。搗花房。蜥蜴重繫紅紗。李紳柘枝伎詩畫鼓  
拖環錦臂攘。又鳳

聲初歇。翅初張。齧臂盟見左傳  
唐宮人選幸以綢繆字印臂

又掌

小小瓊田。煖玉無塵。紋生細波。慣先調粉澤。兩邊齊  
傅。未昏菱鏡。一面頻磨。鞦託真纖。指離偏遠。水上音

裙著意搓。闌干拍。惹鴛鴦驚起。飛度風荷。樽前一  
握無多。縱燕燕身輕。舞則那。任青紅碧綠。按成綵縷。  
裁縫熨帖。研就香羅。冷露三霄。明珠幾顆。除是仙人  
不護他。春來病。把芳心捧罷。百遍摩挲。楊無咎詞掌托鞦兒  
漢雜事指去掌四

寸李商隱詩仙  
人掌上三霄露

又乳

隱約蘭胸。菽發初勻。脂凝暗香。似羅羅翠葉。新垂桐  
子。盈盈紫葍。乍擘蓮房。竇小含泉。花翻露蒂。兩兩巫  
峰最斷腸。添惆悵。有纖桂一抹。即是紅墻。偷將碧



玉形相。怪瓜字初分。蓄意藏。把朱闌倚處。橫分半截。  
瓊簫吹徹。界住中央。量取刀圭。調成藥裏。寧斷嬌兒。  
不斷郎。風流句。讓屯田柳七。賦贈酥娘。

又 送葉元禮之真州

游子何之。迤邐橫塘。二十四橋。正梅花如雪。煙籠寒  
水。垂楊拂地。雨漲春條。江左文章。竹西歌吹。麗句爭  
傳。勝六朝。塞簾處。報玉驄到也。紅袖齊招。當年瓜  
步停橈。有桃葉桃根。送晚潮。悵荆雲隔浦。難邀夢雨。  
秦臺按曲。曾聽吹簫。舊事堪尋。長牋得寄。便欲從君

訪翠翹。沉吟久。怕重來不見。見又魂銷。

又 李孔德出情人如玉別時所留指甲索賦

并剪分時。逗向君前。春心暗驚。記銀缸照處。曾挑錦  
字。碧雲歌斷。尚擘霜橙。瓦覆彎環。層冰碾薄。只是中  
心最不平。相思苦。任拋殘寶瑟。閒殺瑤箏。詩人慣  
惜傾城。悵三疊陽關。萬里程。把香囊繫住。潛通叩叩。  
紅絲解罷。低喚卿卿。猛省秦樓。纖纖指下。何得愁中  
却盡生。無眠夜。想麻姑搔背。一段風情。

又 想想園為坦夫題

吳綺



金谷樓空。玉津園廢。恨滿銅駝。記據梧南郭。賦成烏  
有。種花西圃。鄉號無何。自謂羲皇。不如魏晉。此事憑  
教春夢婆。蘇門路。歎迴車腹痛。吾又經過。翟家雀  
散空羅。生子誰如仲也多。向堂中聽雨。徒憐載酒。湖  
邊對月。還憶聞歌。舊業都非。故書猶在。若有人兮帶  
女蘿。仍長慨。慨當年結想。未遂巖阿。

又美人

葉舒崇

密結朱唇。一夜生成。可早合蘭。慣盈盈寫字。吮殘鼠  
管。慊慊病酒。嚼碎龍團。好閉。頻啣素指。誰把琅

玕故故攢。風流甚。愛痕留歡臂。輕印香檀。隔簾仔  
細偷看。恰纖手輕揉病倚闌。記紅牙度曲。千呼乍啟。  
青梅消渴。一點先寒。粉澤難施。香醪屢嗽。頰頰多姿  
露未完。天然好笑。梁家新樣。齟態多端。

又偶興

王士禎

春去秋來。林無靜柯。川無停流。憶卓女壚邊。花籠趙  
瑟。要離冢畔。霜淬吳鉤。劍客從游。酒徒託乘。意氣居  
然橫九州。誰知道。看主家廝養。騎尉通侯。十年壯  
志難酬。但眼底青樽。恣拍浮。謂萬戶千鍾。卿其休矣。



千峰萬壑。吾又焉求。龍性難馴。鴻飛何慕。爭席休驚。海上鷗。忘機久。任行歌帶索。五月披裘。

林無靜柯川無停流用世說中語

又

顧貞觀

殘月幽輝。宿昔見之。豈其夢耶。任寒堆一枕。鈿珠零落。塵縈半榻。箏柱欹斜。妾命如斯。郎行何許。裙扇留題。滿狹邪。鱗鴻便。莫棲香正穩。忘了天涯。也應游倦。思家算不抵。孤眠人歎嗟。鎮未忺懷抱。慵偎煖鴨。斷無消息。悶數歸鴉。雪壓霜欺。別來真個。瘦盡中庭。萼綠華。誰傳語。道春風多厲。強飯為佳。

又

子才姪從余肄業三載庚寅春將負笈於舅氏葉雲期余已丑冬暮解館書此為別

沈永啟

點檢芸編。殘冬無幾。別在新春。念三年講習。吾無隱爾。一生進退。汝勉成人。手澤難求。熊丸是望。肄業還傷家力貧。從今去。願賢甥似舅。卓邁羣倫。臨岐囑語。須珍。把學問塵情。兩路分。看榮枯有命。從伊冷煖。詩書無恙。勵爾晨昏。凍蕊江頭。斷鴻天際。漠漠寒煙斜日曛。他時望。過卿家癡叔。樽酒論文。

又

庚寅秋日館中得內子札書此答之

來歲歸歟。偃蹇貂裘。傍食山妻。歎筆花濡禿。如何纔



是情絲空掛。畢竟還非。書有千函。田無一頃。舉目人間。百不宜休。追古傷伯。鸞菲德。眉案難齊。回頭汝試思維。看十載炎涼。我共伊。念克勤克儉。甘貧誰及。能寬能猛。調劑須知。鐵硯重磨。韋編再整。榮祿何年報廢。他時願向溪山卜築。偕隱忘機。

又 輓許節婦

金夫人

天道無知。如此貞婺。迺不祿耶。看三十星霜。代夫事父。百千炎冷。立嗣承家。兩世單傳。一生九死。拮据晨昏。獨練麻心。何託望螟蛉。似續里閨相誇。回頭雙

手頻叉。歎玉樹無根。類柳花。念井臼維艱。敢辭俯仰。早滂踵至。甘委泥沙。貧病交攻。始終不變。忽向泉臺化。晚霞臨岐話。尚痛翁翁垂暮。菽水情賒。

又 家廢

雙駒

周 銘

千里雙駒。躡電追風。竝馳往來。看驕嘶歎玉聲。邀重價。長驅顧影。足絕輕埃。樵牧常依。雲霄夙負。何處黃金。更有臺。春風裏。且雙雙飛鞚。鞭影休催。傾囊購得龍媒。任牝牡驪黃。莫浪猜。問驚帆飛兔。不輸驪裏。霜蹄霧鬣。未怕崔嵬。碧草隄邊。綠楊郊外。人見渾驚。



足練開。難收駐。待朝凌碣石。夕刷蓬萊。

又詠鴈追和

高季迪韻

已逐春歸。還伴秋來。相違半年。慣叫回客夢。征人帳底。喚來離恨。發婦舟前。月儂宵征。風驅曉渡。歷盡關落。遠天滄江上。看欲棲。還起。髮鬢驚弦。一行低壓寒煙。休認做黃雲紫塞邊。向丹楓影下。恰同魚夢。白蘋叢裏。穩伴鷗眠。檢盡沙汀。往來縹緲。羅網空教在稻田。知飛去。有蘅臯深處。飲啄悠然。

又

壽仲昭  
兄五十

王暉

磊落奇才。江左風流。餘子交推。看揮毫意氣。奴驅賈董。向人肝膽。誼重陳雷。匹馬長安。逢迎恐後。爭望門前。載酒來。真堪羨。是墻多桃李。玉樹生階。如君猶困蒿萊。彼世上昇沉。安論哉。况年齊伯玉。無非可省。學師孔氏。有易同懷。抱膝長吟。科頭晏坐。興劇何憂。老漸催。稱觴處。喜榴花照眼。笑逐顏開。

又走馬燈

鄭俠如

正月始和。蹋歌入雲。梅月雙清。况時當三五。金吾不禁。強稱百二。烽燧無驚。安不忘危。來朝走馬。旋轉真



標掣電名。騰空處。看玉關暗渡。鐵騎宵征。夜來金鼓齊鳴。似細柳營中。按轡行。但馬蹄無跡。須防後勁。旌旗有影。已露先聲。一夕火攻。四方風動。寄語將軍。莫請纓。炎炎滅喜。風煙頓息。日月銷兵。

又

偶興和阮亭韻

彭孫適

歸去來兮。或采金芝。或酌清流。待乘鶴天邊。長風作御。釣鰲海上。明月為鈎。冠蓋焦螟。河山野馬。蟻垤縱橫。十二州。儘遊戲。任擊毬。建節。避統封侯。誰能齷齪相酬。便沉者還沉。浮者浮。笑空洞容。卿是中無物。

溫柔老我。此外何求。一紙彈文。三章約法。不禁同盟鷺與鷗。相親近。且春花秋月。夏葛冬裘。

何必規摹。五柳之高。孤竹之清。念久與周旋。我寧作我。任教禮法。卿自從卿。雋乘陪游。辛杯侍讌。僕病須知非所能。問何者。是魚紋驥子。綸組彫纓。狂來白眼休驚。算若個堪當。一瞬青。但紫篝玉炷。香消仙蠹。朱繩金錯。筆埽讒蠅。清酒三杯。黃梁一枕。不換他年身後名。誰驚覺。有墜梧片葉。催賦秋聲。

又

讀曹顧菴學士京華詞依韻奉東

徐鉉



金馬銅龍。游戲當時。犢車入燕。看禁煙藏柳。鶯啼舊  
樹。玉河浸月。鴈訴遙天。華轂朱門。白衣蒼犬。田竇紛  
紜。絕可憐。歸來好。有陶家松菊。謝傅林泉。舊游景  
物依然。倩紈扇新詞。記往年。想漳水臺空。梁園鄴下。  
華清夢短。杜曲樊川。無數紅牙。一羣腰鼓。秋水春颿。  
書畫船。重來此。聽黃鸝細轉。坡老隄邊。

又 寄懷夏樂只

毛際可

所謂伊人。傾蓋相於。懷抱悠然。喜樓依葛嶺。光浮紫  
翠。門臨湖溜。韻叶絲絃。此日通翁。前身摩詰。長嘯聲

疑鸞鶴。騫君休矣。任名場虎尾。利藪蝸涎。於今更  
慕林泉。問卜築幽區。第幾廛。向嚴光瀨下。平分釣鯉。  
謝翱墳側。共哭啼鴉。天放閒人。地行仙客。不必丹砂  
引大年。還堪羨。看蕭蕭素髮。微映朱顚。

又 遣愁

孫枝蔚

愁太欺吾。語汝知之。決絕從今。汝虐如秦。始城誇萬  
里。敵非玉。濬鎖情千尋。舊復生新。長還續短。年少能  
教白髮。侵交。雖久奈一朝。悔悟疾。怨友深。豈無山  
水清音。更靜夜閒。彈綠綺琴。見階前萱草。佳名可愛。



古今詩選 卷十一  
湖邊盧女小字堪欽。懶讀離騷。惟觀齊物。掃汝何須  
用帚臨愁。誰料正明明如月。杲日當心。

又 感遇

沈雄

弔古愁濃。懷人道遠。年又一年。擬碎琴市上功名晚  
矣。挂書牛角。里塾蕭然。投轄無從。歌魚莫就。誰是逢  
人說項。偏應嗟我。吳霜昔帽。楚雨絲鞭。人間刺促  
堪憐。終自笑原無二頃田。悵江干挾策。曾磨盾鼻。壚  
頭貰酒也。拔珠鈿。歸競巢枝。老甘伏櫪。休問英雄骨  
肉。綠茲休矣。依人白社。破我青氈。

又 旅懷

唐維貞

狂客悲歌。擊筑敲壺。淒其以清。况銷魂蕉雨。聲聲浙  
瀝。攪愁簷鐵。故故琮瑤。負羽徐陵。辭家王粲。千古牢  
騷總未平。驚心處是錢江足。練界破郵程。無窮孤  
悶難傾。但塊壘頻澆。仗酒兵。悵飄零倦客。辜將遊興。  
蒼茫旅思。釀就詩情。推枕披衣。吮毫劈紙。幾度銷磨  
長短夏。京華路。怪鴻音迢遞。不到山城。

又 寄懷龔宗伯芝  
麓 用迦陵韻

余懷

有酒千觥。有菊半軒。有琴一張。喜綠簑青笠。不知姓



字赤松黃石。莫論行藏。春夢婆來。信天翁去。病馬驚嘶。哭戰場。君憐我。是衣沾楚雨。鬢點吳霜。疎簾透出新涼。愛六代風流。老是鄉。况石頭城下。歌殘紅豆。摩訶池上。舞罷霓裳。五願徐陵。三生杜牧。雨漿風颿。挂水楊。逢人問。問秋風乍起。何處鱸香。

又

聽梧軒夜集同  
其年椒峰疊韻

雪片冬深。作客飄零。何有之鄉。聽霜天曉角。微雲淡蕩。城樓夜柝。缺月昏黃。鶴守梅花。烏啼柏樹。紅燭光搖錦繡腸。踈簾內。正榻懸孺子。琴見文王。英雄誰

似劉章。把酒令分明。作戰場。看河陽壁壘。旌旗變色。昆陽營陣。龍虎成行。君自西歸。吾將東去。星斗芒寒。吐翼張。栽花縣。有一池讓水。三日衣香。

又

友人劇談舊  
恨代此誌惋

葉舒璐

往恨難忘。幾度低徊。腸斷朱絃。記巫雲一片。峰迷十二。柳煙千縷。月挂初三。蕪澤微聞。金釵斜溜。輕暖輕寒。不曉天。情深處。在鷓鴣枕畔。軟語留連。一從帆卸長干。奈盼斷藍橋。益惘然。悵烏鰂盟虛。在函心坎。錦鴛牒小。慣鎖眉山。僕本恨人。卿須憐我。珍重三生



未了緣。知何日。有鸞膠能續。花夢重圓。

又 白燕

陸次雲

春社同歸。羣燕之中。素質翩翩。訝霜飛清晝。鬱金堂上。雲飄麗日。朱雀橋邊。翅展冰綃。尾分銀剪。來自烏衣。然不然。營香壘。看雌雄置力。玉轉珠旋。差池弱羽。堪憐。愛影入晴波。色愈鮮。每回環貼水。閒鷗讓潔。頡頏繞戶。皓鶴輸妍。語亦呢喃。身同綽約。王謝驚看。異昔年。難辨處。在梨花月下。屢舞仙仙。

又 慰友

沈時棟

我愛虞卿。買却窮愁。偏能著書。喚三山架筆。掃除塊壘。五湖滌硯。搖蕩狂疎。蠹卷情深。寶釵恩重。消得芸窗淚滿裾。君休歎。便腰圍紫綬。豈換樵漁。心牽桂玉。難儲。却不羨馮驩。出有車。看青萍貯匣。誰堪結伴。白雲在戶。我自非渠。天地如漚。古今若夢。用舍行藏。任卷舒。須放眼。縱蘭亭金谷。一例丘墟。

賀新郎

別茂嘉  
十二弟

辛棄疾

綠樹聽鷓鴣。更那堪。杜鵑聲住。鷓鴣聲切。啼到春歸無啼處。苦恨芳菲都歇。算未抵。人間離別。馬上琵琶。



關塞黑。更長門翠輦辭金闕。看燕燕送歸妾。將軍  
百戰身名裂。向河梁回頭萬里。故人長絕。易水蕭蕭  
西風冷。滿座衣冠似雪。正壯士悲歌未徹。啼鳥還知  
如許恨。料不啼清淚長啼血。誰伴我醉明月。

又  
賦琵琶

鳳尾龍香撥。自開元霓裳曲罷。幾番風月。最苦潯陽  
江頭客。畫舸亭亭待發。記出塞黃雲堆雪。馬上離愁  
三萬里。望昭陽宮殿孤鴻沒。絃解語。恨難說。遼陽  
驛使音塵絕。瑣窓寒輕攏。慢撚淚珠盈睫。推手含情

還却手。一抹梁州哀徹。千古事雲飛煙滅。賀老定場  
無消息。想沉香亭北繁華歇。彈到此。爲嗚咽。

又  
賦水仙

雲臥衣裳冷。看蕭然風前月下。水邊幽影。羅襪生塵  
凌波去。湯沐煙波萬頃。愛一點嬌黃成暈。不記相逢  
曾解佩。甚多情爲我香成陣。待和淚收殘粉。靈均  
千古懷沙恨。記當時匆匆忘把。此仙題品。煙雨淒迷  
僂僂損。翠袂搖搖誰整。謾寫入瑤琴幽憤。絃斷招魂  
無人賦。但金杯的皪銀臺潤。愁帶酒。又獨醒。



又 三山雨中游西湖有懷趙丞相

翠浪吞平野。挽天河誰來照影。臥龍山下。煙雨偏宜晴更好。約畧西施未嫁。待細把江山圖畫。千頃光中堆灑灑。似扁舟欲下瞿塘馬。中有句。浩難寫。詩人例入西湖社。記風流重來手種。綠成陰也。陌上游人誇故國。十里水晶臺榭。更復道橫空秋杳。粉黛中洲歌妙曲。問當年魚鳥無存者。堂上燕。又長夏。

又 自述

甚矣吾衰矣。悵平生文游零落。只今餘幾。白髮空垂

三千丈。一笑人間萬事。問何物能令公喜。我見青山多嫵媚。料青山見我應如是。情與貌。略相似。一尊搔首東窓裏。想淵明停雲詩就。此時風味。江左沉酣求名者。豈識濁醪妙理。回首叫雲飛。風起。不恨古人吾不見。恨古人不見吾狂耳。知我者。二三子。

又 賦贈老妓

劉過

老去相如倦。向文君說似而今。怎生消遣。衣袂京塵曾染處。空有香紅尚軟。料彼此魂銷腸斷。一枕新涼眠客舍。聽梧桐疎雨秋風顫。燈暈冷。記初見。樓低



不放珠簾捲。晚妝殘。翠蛾狼籍。淚痕流臉。人道愁來  
須殢酒。無奈愁深酒淺。但託意。焦琴紈扇。莫鼓琵琶  
江上曲。怕荻花楓葉俱淒怨。雲萬疊。寸心遠。

又  
西湖

睡覺啼鶯曉。醉西湖。兩峰日日。買花簪帽。去盡酒徒  
無人問。惟有玉山自倒。任拍手。兒童爭笑。一舸乘風  
翩然去。避魚龍。不見波聲悄。歌韻遠。喚蘇小。神仙  
路渺蓬萊島。紫雲深。參差禁樹。有煙花遶。人世紅塵  
西障日。百計不如歸好。付樂事。與他年少。費盡柳金

梨雪句。問沉香亭北。何時召。心未慙。鬢先老。

又  
感舊

李  
泳

門掩長安道。捲重簾。垂楊散暑。嫩涼生早。午夢驚回  
庭陰翠。蝶舞鶯吟未了。正露冷芙蓉池沼。金鴈塵昏  
么絃斷。理餘音。尚想腰肢裊。歡漸遠。思還繞。臨臯  
望極滄江渺。晚潮平。湘煙萬頃。斷虹殘照。彩舫凌波  
分飛後。別浦菱花自老。問錦鯉。何時重到。樓迥層城  
看不見。對瀟瀟暮雨。憐芳草。幽恨闊。楚天杳。

又

彭傳師於三高祠前作釣  
雪亭趙子野邀余賦之

盧祖臯



挽住風前柳。問鷗夷當日扁舟。近曾來否。月落潮生  
無限事。零落茶煙未久。謾留得尊鱸依舊。可是功名  
從來誤。撫荒祠誰繼風流後。今古恨。一搔首。江涵  
鴈影梅花瘦。四無塵雪飛雲凍。夜窓如晝。萬里乾坤  
清絕處。付與漁翁釣叟。又恰是題詩時候。猛拍闌干  
呼鷗鷺。道他年我亦垂綸手。飛過我。共樽酒。

又梅

高觀國

月冷霜袍擁。見一枝年華又晚。粉愁香凍。雲隔溪橋  
人不度的。顰春心未縱。清影怕寒波搖動。更沒纖

塵俗態。倚高情。預得春風寵。沈吟。健。挂么。一  
杯。正要吳姬捧。想見那柔酥弄白。此香偷送。可  
在否。寂寞烟迷。心。又爭奈。桓伊三弄。照。西湖  
春意爛。算羣花正作江山夢。吟思怯。暮雲重。

又游西湖有感

文及翁

一勺西湖水。渡江來百年歌舞。百年酣醉。回首洛  
花石盡。煙渺黍離之地。更不復新亭墮淚。簇樂紅妝  
搖畫舫。問中流擊楫何人是。千古恨。幾時洗。余生  
自負澄清志。更有誰磻溪未遇。傅巖未起。國事如  
今



誰倚仗。衣帶一江而已。便都道江神堪恃。借問孤山  
林處士。但掉頭笑指梅花蕊。天下事。可知矣。

又

蔣捷

夢冷黃金屋。歎秦箏斜鴻陣裏。素絃塵撲。化作啼鶯  
飛歸去。猶認窓紗舊綠。正過雨。荆桃如菽。此恨難平  
君知否。似瓊臺湧起。彈碁局。消瘦影。嫌明燭。鴛樓  
碎瀉東西玉。問芳踪。何時再展。翠釵難卜。待把宮眉  
橫雲樣。描上生綃畫幅。怕不是新來妝束。綵扇紅牙  
今都在。恨無人解聽開元曲。空掩袖。倚寒竹。

又七夕

宋自遜

靈鵲橋初就。記迢迢重湖風浪。去年時候。歲月不留  
人易老。萬事茫茫宇宙。但獨對西風搔首。巧拙豈關  
今夕事。奈癡兒駭女流傳謬。添話柄。柳州柳。道人  
識破灰心久。只好風涼月佳時。疎狂如舊。休笑雙星  
經歲別。人到中年已後。雲雨夢。可曾常有。雪藕調冰  
花熏茗。正梧桐雨過新涼透。且隨分。一杯酒。

又

送五峰歸九江  
用稼軒韻

劉辰翁

世事如何說。但舉鞍回頭笑問。并州兒葛。手障塵埃



黃花路。千里龍沙如雪。著破帽。蕭蕭餘髮。行過故人  
柴桑里。撫長松。潦倒山間月。柳共舞。命湘瑟。春風  
五老多年別。看使君。神交意氣。依然晚合。袖有玉龍  
提攜去。滿眼黃金臺骨。說不盡。古人癡絕。我醉看天  
天。看我聽秋風。吹動簷間鐵。長嘯起。兩山裂。

又

應法孫

宿霧樓臺濕。曉晴初。花明柳潤。燕飛鶯集。啼約重  
少歌舞地。留得艷香嬌色。又夢草東風。吹碧。午困騰騰  
春欲醉。對文楸。玉子無。小。蝶舞。傍花立。

未醒愁先入。記年時。翠樓寒淺。寶笙慵吸。駐馬河橋  
分別恨。輕竹風。颿煙笠。早塵暗。華堂簾隙。倚盡黃昏  
人獨自。望江南。回鴈歸雲急。憑付與。錦牋墨。

又戲馬  
臺

吳易

九曲洪河瀉。似重瞳。風流豪宕。美人駿馬。驀澗注陂  
三十萬。蓋世喑鳴。咤叱。目斷處。高丘浩野。成敗難平  
廣武歎。儘紛紛。豎子王和霸。君莫笑。拔山者。卯金  
龍種。堪無價。下梢頭。使君七箸。寄奴田舍。玉帳茱萸  
歌吹滿。舊楚樓船臺榭。對寂寞。山川圖畫。鬪虎英雄



爭鹿地。付烏騅。赤兔漁樵話。藉草坐。淚盈把。

又九日

身世今如此。甚重陽。正逢陽九。劫灰飛墜。愁雨驕雲。天地暝。孤館海涯。愁寄縱滿目。千崖秋霽。紅萼黃英。堪鬪艷。儘登臨。只迸新亭淚。千斛酒。怎堪醉。龍山  
嘲詠成何事。儘英雄。彭城歌舞。金釵鐵騎。揮霍燕秦。如電掃。萬里鷹揚。虎視問江左。霸才何處。簡盡紛紛。南北史。算神州。離合渾無據。江水咽。向東注。

又病中  
有感

吳偉業

萬事催華髮。論龔生。天年竟夭。高名難沒。吾病難將。醫藥治。耿耿胸中熱。血待灑。向西風。殘月。剖却心肝。今置地。問華佗。解我腸。千結。追往恨。倍淒咽。故人  
慷慨多奇節。爲當年。沉吟不斷。草間偷活。艾炙眉頭。瓜噴鼻。今日須難訣。絕早患。苦重來。千疊。脫屣妻孥。非易事。竟一錢。不值何須說。人世事。幾完缺。

又送杜將  
軍發武

雙鬢愁來白。數威名。西州豪傑。玉關沙磧。家世通侯。黃金印。馬稍當年第一。磨盾鼻。懸毫飛檄。雅吹投壺。



詩萬首。舊當陽。虎帳春秋癖。思往事。頓成昔。天涯  
寂寞青雲客。念平生。鞭箠萬里。布衣之極。滿地江湖  
漁歌起。誰弄扁舟鐵笛。正柳色依依南陌。日暮鄉關  
何處是。故人書草沒。摩崖石。漫回首。淚沾臆。

又 贈淮陽柳敬亭

曹貞吉

鶴髮開元叟。也來看荆高市上。賣漿屠狗。萬里風霜  
吹短褐。游戲侯門趨走。卿與我周旋良久。綠鬢紅顏  
今盡改。歎婆娑人似桓公柳。空擊碎唾壺口。江東  
折戟沉沙後。過青溪。笛牀煙月。淚珠盈斗。老矣耐煩

如許事。且坐旗亭呼酒。擽殘蠟。消磨紅友。花壓城南  
韋杜曲。問球場馬稍還能否。斜日外。一回首。敬亭性澹  
稽為左寧

南幸舍重客寧南沒於九江舟中柳生先  
期東下憔悴失路垂老客於長安因贈之

又 和其年秋夜旅懷

龔鼎孳

玉笛西風發。送賓鴻。一城砧杵。千門宮闕。秋滿桑乾。  
沙岸曲。曲曲蘆花飛雪。又報到今番圓月。羈宦薄游  
俱失意。詫長楸車馬多如髮。徒刺促。貝刀末。小山  
叢桂難攀折。轉堪憐。紛紛項領。汝曹何物。只許窮交  
長對酒。况是江東人傑。任夜夜蘭缸明滅。作達狂歌



吾事足問人。生幾斗。荆高血。行樂耳。苦無益。

古今詞選卷十一終



